



# Халқ сўзи

Ўзбекистон — келажаги буюк давлат

2021 йил — Ёшларни қўллаб-қувватлаш ва аҳоли саломатлигини мустаҳкамлаш йили

1991 йил 1 январдан чиқа бошлаган

WWW.XS.UZ E-mail: Info@xs.uz

2021 йил 13 август, № 170 (7950)

Жума

Сайтимизга ўтиш учун QR-кодни телефонингиз орқали сканер қилинг.



## Янги Ўзбекистонда эркин ва фаровон яшайлик!

Ўзбекистон Республикаси Президентининг ҚАРОРИ  
НОГИРОНЛИГИ БЎЛГАН ШАХСЛАРГА КЎРСАТИЛАЁТГАН ТИББИЙ-ИЖТИМОЙ ХИЗМАТЛАР СИФАТИНИ ЯНАДА ЯХШИЛАШ ЧОРА-ТАДБИРЛАРИ ТЎҒРИСИДА

Ногиронлиги бўлган шахслар, айниқса, болаларни реабилитация қилиш, тўлақонли ҳаёт тарзини юритишга кўмаклашиш ҳамда имкониятларини ошириш учун уларни замонавий протез-ортопедия мосламалари ва реабилитация қилишнинг техник воситалари билан таъминлаш, соҳада ахборот-коммуникация технологияларини жорий этиш, шунингдек, Ўзбекистон Республикаси Президенти раислигида 2021 йил 28 июль кўни ўтказилган ногиронлиги бўлган, ота-она қарамоғидан маҳрум ва етим болаларни давлат томонидан қўллаб-қувватлашни кенгайтириш бўйича видеоселектор йиғилишида белгиланган вазифаларни самарали бажариш мақсадида:

1. Қўйидагилар ногиронлиги бўлган шахсларга, айниқса, болаларга кўрсатилаётган тиббий-ижтимоий хизматлар сифатини бугунги босқичда яхшилашнинг энг муҳим йўналишлари деб ҳисоблансин:

мактабгача ва ихтисослаштирилган таълим муассасаларида таълим олаётган эшитиш қобилияти заиф болаларни замонавий эшитиш мосламалари билан таъминлаш орқали мослаштирилган (адаптив) ўқув тизимини жорий қилиш; кохлеар имплантатларини ўрнатиш бўйича жарроҳлик амалиётини ўтказишдан олдин ва ундан кейинги реабилитация жараёнини Давлат бюджети маблағлари ҳисобидан тўлиқ бепул амалга ошириш;

болаларни туғма, патологик ва орттирилган суяк-мушак тизимидаги ўзгаришлар ва деформацияларни даволаш учун зарур бўлган тиббий ёрдам ва эндопротезлар билан узлуксиз таъминлаш, жумладан, экзоскелет ускунасини олиб кириш орқали ногиронлиги бўлган шахсларнинг оддий ҳаётга мослашувини тезлаштириш;

бош миёдаги патологик ўзгаришлар (жумладан, гидроцефалия) билан тузилган болаларнинг, шунингдек, янги туғилган чақалоқлар, болалар ва ўсмирлардаги туғма юрак нуқсонларининг жарроҳлик амалиётини ўтказишни давлат таъминотида олиш;

(Давоми 2-бетда).

Ўзбекистон Республикаси Президентининг ҚАРОРИ  
«ВАТАНДОШЛАР» ЖАМОАТ ФОНДИНИ ТАШКИЛ ЭТИШ ТЎҒРИСИДА

Хорижда истиқомат қилаётган ватандошларнинг тарихий Ватани атрофида янада жиғиллаштириш, уларнинг қалби ва онгида юрт билан фахрланиш туйғусини юксалтириш, миллий ўзлигини сақлаб қолиш, ватандошлар ва улар томонидан тузилган жамоат бирлашмаларини қўллаб-қувватлаш, турли соҳаларда фаолият юритаётган ватандошларимизнинг салоҳиятини мамлакатимиз тараққиётига самарали йўналиштириш мақсадида:

1. Ташкил ишлар вазирлиги, Маданият вазирлиги, Молия вазирлиги, Бандлик ва меҳнат муносабатлари вазирлиги, Вазирлар Маҳкамаси ҳузуридаги Миллатлараро муносабатлар ва хорижий мамлакатлар билан дўстлик алоқалари қўмитаси, Ўзбекистон нодавлат нотижорат ташкилотлари миллий ассоциацияси, «Юксалиш» умуммиллий ҳаракати, «Тараққиёт стратегияси» марказининг улар муассаслигидаги нодавлат нотижорат ташкилоти — «Ватандошлар» жамоат фондини (кейинги ўринларда — Фонд) ташкил этиш тўғрисидаги таклифи маъқуллансин.

2. Фонд фаолиятининг асосий йўналишлари этиб қўйидагилар белгиланиши маълумот учун қабул қилинсин:

хорижда истиқомат қилаётган ватандошлар ва улар томонидан тузилган жамоат бирлашмалари билан ҳамкорлик алоқаларини йўлга қўйиш ва ривожлантириш; халқаро ҳуқуқнинг умумэтироф этилган принциплари ва нормалари, ватандошлар истиқомат қилаётган мамлакатларнинг қонунлари ва Ўзбекистон Республикасининг халқаро шартномалари асосида хорижда истиқомат қилаётган ватандошларнинг ҳуқуқ ва эркинликларини ҳимоя қилишга кўмаклашиш;

хорижда мураккаб ҳаётини вазиётга тушиб қолган ватандошларни белгиланган тартибда моддий ва ижтимоий қўллаб-қувватлаш, уларга ахборот жиҳатидан ва ҳуқуқий ёрдам кўрсатиш;

хорижда ўзбек тили, маданияти ва аъёнларини сақлаб қолиш ва ривожлантиришга қаратилган фаолиятни қўллаб-қувватлаш;

хорижда юртимизнинг бой илмий, маданий ва маънавий меросини кенг тарғиб қилиш ва оммалаштириш, ватандошларга маданий-маърифий тадбирларни ташкил этишда кўмаклашиш; ватандошлар томонидан ташкил этилган жамоат бирлашмалари фаолиятини рағбатлантириш, уларга хорижда ўзбек миллий маданий марказларини ташкил этишда амалий ёрдам кўрсатиш;

хорижий давлатларнинг таълим ўзбек тилида олиб борилаётган муассасаларида педагог кадрларга бўлган мавжуд эҳтиёждан келиб чиқиб, хорижда истиқомат қилаётган иқтидорли ватандошларимизнинг республика олий таълим муассасаларида таълим олишлариغا кўмак кўрсатиш;

(Давоми 2-бетда).

## МАЪРИФАТ ВА ИННОВАЦИЯЛАР Ўзбекистондаги барча ўзгаришлар меҳвариди нур сочиб турибди

Ўзбекистон тараққиётнинг янги босқичига қадам қўйди. Ва бу йўлдан олдинга қараб жадал ҳаракат қилмоқда. Муҳими, мазкур тенденция ҳар қандай шароитда, ҳатто коронавирус пандемияси тобора авж олаётган ҳозирги мураккаб даврда ҳам

### Нуктаи назар

асло тўхтаб қолгани йўқ, Аксична, синовлар ҳалқимиз ва давлатимизни янада жиғиллаштиришда, янги марраларга етиб бориш йўлида тоблантириш. Булар жамиятнинг ҳар бир аъзоси ўзaro ҳамжиҳатликда муаммоларга қарши қатъий тура олаётгани, конструктив ечимларни таклиф этаётгани ва уларнинг ижросида тобора фаоллашаётгани, жамоатчилик назорати кучаяётгани, муҳими, боқимандалик кайфияти ўрнини янги билимларни ўзлаштириш иштиғи эгаллаб бораётгани мисолида яққол намоён бўляпти.

### Кўклам ва тонг нафасидан кўра самаралироқ

Аслида ҳам одамлар қанча аҳил ва меҳнатқаш бўлса, ислохотларнинг жадаллиги шунча ошадди, самарадорлиги кенг таъминланади.



Юртимизда бундай зарур муҳтнинг юзага келгани бежиз эмас. Машҳур файласуф Гэнри Девид Торо «Афтидан, айнан бизга аталган сўзлар бор, агар бу сўзларни эшитиб, англай оласан эди, улар бизга кўклам ва сарҳардан кўра самаралироқ таъсир кўрсатарди, бизни ҳаётга бошқача кўз би-

лан қарашга мажбур этарди», деб айтган эди.

Президент томонидан янги Ўзбекистонни барпо этиш йўлида амалга оширилаётган улкан ўзгаришлар замирида ана шу сўзлар таъсирини, шунга уйғун амаллар ифодасини кўрамай.



## Фойдали мулоқотлар ва амалий ечимлар

Ватанимиз мустақиллигининг 30 йиллигини муносиб нишонлаш, Олий Мажлис Сенатининг ўн еттинчи ялпи мажлисида маъқулланган қонунлар, шунингдек, иқтисодий ислохотлар мазмун-моҳиятини кенг тушунтириш, аҳоли, жумладан, хотин-қизларнинг онгу шуурига истиқлол гоёларини чуқур сингдириш мақсадида жойларда сенаторлар иштирокида турли тадбирлар ўтказилмоқда.

### Сенатор ва ҳаёт

Ана шундай мулоқотлардан бири сенатор Абира Хусеинова иштирокида Ёшларнинг муносиб ўрин эгаллаб, дунёнинг қўллаб-қувватлари билан сиёсий, иқтисодий ва маданий соҳаларда манфаатли алоқалар олиб бораётгани, айниқса, охириги йилларда барча соҳадаги ислохотлар янги босқичга кўтарилиши хусусида сўз юритилди.

Мулоқотда хотин-қизлар масалаларига бўлган эътибор ошгани қайд этилиб, кейинги 5 йил давомида мамлакатимизда

инстиқлолнинг дастлабки йиллариданқоҳ жазо ҳамжамиятидан муносиб ўрин эгаллаб, дунёнинг қўллаб-қувватлари билан сиёсий, иқтисодий ва маданий соҳаларда манфаатли алоқалар олиб бораётгани, айниқса, охириги йилларда барча соҳадаги ислохотлар янги босқичга кўтарилиши хусусида сўз юритилди.

Мулоқотда хотин-қизлар масалаларига бўлган эътибор ошгани қайд этилиб, кейинги 5 йил давомида мамлакатимизда

линди. Хусусан, «Аҳолининг санитария-эпидемиологик осойишталиги тўғрисида»ги, «Фуқаролар солигинини сақлаш тўғрисида»ги амалдаги қонунларга санитария-гигиена ва эпидемияга қарши тадбирлар доирасида профилактика эмлашлар ўтказишни жорий этиш чораларини назарда тутувчи ўзгариш ва қўшимчалар киритилгани таъкидланди.

Тараққиётимизнинг ҳозирги босқичида хотин-қизлар ва гендер тенглик масаласи давлат сиёсатининг муҳим йўналишларидан бирига айланди. Шу маънода, Олий Мажлис Сенатининг Хотин-қизлар ва гендер тенглик масалалари қўмитаси зиммасидаги вазифалар кўлами ниҳоятда кенг. Қўмита аъзолари жойлардаги юзма-юз учрашувларда аёлларнинг жамиятдаги ролини янада мустаҳкамлаш учун амалий ёрдамлар кўрсатиб келмоқда.



### «Халқ сўзи» учун махсус

## «ВАТАНДОШЛАР» ЖАМОАТ ФОНДИ

ЧЕТ ЭЛДАГИ ЮРТДОШЛАРИМИЗНИ ЯНАДА ЖИПС БЎЛИБ БИРЛАШИШГА ЧОРЛАЙДИ

Ўзбекистон Президенти томонидан имзоланган «Ватандошлар» жамоат фондини ташкил этиш тўғрисидаги қарор хорижий мамлакатларда истиқомат қилаётган ўзбек диаспораси вакиллари томонидан катта мамнуният билан қаршиланди.

Навбахор ХАНИЯЗОВА, тадбиркор (Франция): — Мен асли хоразмликман, 15 йилдан буён Францияда истиқомат қилиб келяман. Бу ерда тадбиркорлик фаолияти билан шуғулланаман. Сўнгги йилларда чет эл-

даги ҳамкорлар ва юртдошларимиз билан алоқаларни ривожлантириш ҳамда биргалликдаги лойиҳаларни амалга ошириш соҳасидаги ишлар жадаллик билан ривожланиб бормоқда. Албатта, бу қувонарли ҳолдир. Бундан ташқари, Ўзбекистоннинг тез суръатларда ри-



вожланаётгани, мамлакатимизда кенг қўллаб-қувватланаётган амалга оширилаётгани, халқаро майдонда муносиб ўрин эгаллаётгани бизни хурсанд қилмоқда.



### Халқаро анжуман

## ГЛОБАЛ ҲАРАКАТЛАРГА ЁШЛАРНИ ЖАЛБ ҚИЛИШ — МУВАФФАҚИЯТЛАР ОМИЛИ

Кеча пойтахтимизда Глобал ҳаракатларга ёшларни жалб қилиш мавзусида ёшлар ҳуқуқлари бўйича бутунжаҳон анжумани ўз ишчи бошлади.

Тадбир Ўзбекистон Республикаси Президенти Шавкат Мирзиёевнинг БМТ Инсон ҳуқуқлари бўйича кенгашининг 46-сессиясидаги нуктада илгари сурилган ва халқаро ҳамжамият томонидан қўллаб-қувватланган ташаббус асосида ташкил қилиниб, унда 30 дан ортиқ хорижий давлатларнинг вакиллари иштирок этмоқда.

Конференцияда Олий Мажлис Сенати Раиси Танзила Норбоева кутлов сўзи билан қатнашди.

Қайд этилганидек, юртимизда ёшлар масаласи давлат сиёсатининг устувор йўналишларидан бири сифатида белгиланган бўлиб, кейинги 5 йилда ёшлар ҳуқуқ ва манфаатларига доир 50 дан ортиқ қонунлар ва бошқа норматив-ҳуқуқий ҳужжатлар қабул қилинган.

«Ёшларга оид давлат сиёсати тўғрисида»ги Қонун шулардан биридир. Ҳаракатлар стратегиясида ҳам навқирон авлод масаласига алоҳида эътибор қаратилган.

Шу ҳужжатлардан келиб чиқиб, Ўзбекистонда ёшлар сиёсати бўлиб қолди салмоқли ишлар амалга оширилмоқда. Масалан, Олий Мажлис палаталарида Ёшлар парламентлари ташкил этилган бўлиб, улар айни пайтда самарали ишламоқда. Бугун халқ депутатлари маҳаллий Кенгашларида 260 нафардан зиёд ёш депутатлар фаолият олиб бораётганини ҳам таъкидлаш зарур.

Тадбирда мамлакатимизда йигит-қизларни билим олиш, маданият, санъат, спорт, илм-технология ва компьютер технологияларини ўрганишга кенг жалб қилиш, уларнинг бандлигини таъминлаш, тадбиркорлигини қўллаб-қувватлаш бўйича янги тизим яратилгани ҳам айтиб

ўтилди. Муҳими, бу борадаги ишлар тобора янгилаш суръат олаётди.

Давлатимиз раҳбари томонидан Туркманистонда бўлиб ўтган Марказий Осиё давлатлари раҳбарлари учинчи Маслаҳат учрашувида келажак ворислари масаласига алоҳида эътибор қаратилиб, келгуси йили Ўзбекистонда Марказий Осиё ёшлари форумини ўтказиш таклифи билдирилганиги бунинг яққол далилидир.

Нуфузли анжуманининг очилишида БМТнинг Инсон ҳуқуқлари бўйича Олий комиссари М. Бачелет, Парламентлараро Иттифоқ Бош қотиби М. Чунгонг ва бошқа халқаро ташкилотлар раҳбарлари сўзга чиқди.

Икки кун давом этайдиган анжуман доирасида унча ялпи мажлис ва параллель сессиялар ўтказилиб, COVID-19 пандемияси ёшларнинг заиф гуруҳларига салбий таъсир кўрсатаётган ҳозирги шароитда навқирон авлоднинг ўз давлати ривожидида иштироки, уларнинг сифатли таълим олиш ва ишлаб чиқаришда банд бўлишига доир имкониятларини рағбатлантириш чора-тадбирлари, йигит-қизларнинг ўз ҳаётига таъсир ўтказадиган қарорларни қабул қилиш жараёнида иштироки каби масалалар атрофича кўриб чиқилди.

Шунингдек, ёшлар ҳуқуқларини ҳимоя қилиш ва қўллаб-қувватлаш учун мавжуд халқаро механизмларни бугунги талаблар даражасида такомиллаштириш масалалари муҳажма қилинди.

Конференцияда Глобал ҳаракатларга ёшларни жалб қилиш бўйича декларация қабул қилиниши ҳам режалаштирилган.

«Халқ сўзи».

### Сўз — иштирокчиларга

## ЎЗБЕКИСТОННИНГ ЭНГ КАТТА БОЙЛИГИ

Мартин Чунгонг, Парламентлараро Иттифоқ Бош қотиби: — Бундай долзарб мавзудаги анжуманда иштирок этиш мен учун катта шарофат. Жорий йилнинг июнь ойида Ўзбекистонда бўлиб, Президент Шавкат Мирзиёев, Сенат Раиси Танзила Норбоева билан учрашганимда Ўзбекистонда ёшларга оид амалий ташаббуслар фаол ўртага ташланаётгани, бу борада жиддий қадамлар қўйилганига гувоҳ бўлдим.



## КОДЕКС ЛОЙИҲАСИДА УЙ-ЖОЙ БИЛАН БОҒЛИҚ ҚАНДАЙ МЕХАНИЗМЛАР ЖОРИЙ ЭТИЛЯПТИ?

Айни кунларда Олий Мажлис Қонунчилик палатасининг Саноат, қурилиш ва савдо масалалари қўмитасида «Ўзбекистон Республикасининг Уй-жой кодексини тасдиқлаш ҳақида»ги қонун лойиҳаси мутахассислар иштирокида иккинчи ўқишга тайёрланмоқда.

### Фикр

Таъкидлаш жоизки, уй-жой муносабатларини ҳуқуқий тартибга солишнинг ахлит тизими мавжуд эмаслиги давлат томонидан изчил уй-жой сиёсатини амалга оширишни мураккаблаштирмоқда. Уй-жой ва Фуқаролик кодексларида назарда тутилган айрим нормалар бир-бирини такрорлагани ёки уларнинг мазмунини ўзаро зид келганлиги, ҳуқуқни қўллаш жараёнида турли шарҳлашларни,

низоли ҳолатларни келтириб чиқармоқда. Шундан келиб чиқиб, «Ўзбекистон Республикасининг Уй-жой кодексини тасдиқлаш ҳақида»ги қонун лойиҳаси амалга чиқди. Ҳўш, мазкур кодекс лойиҳасида уй-жой билан боғлиқ қандай механизмлар жорий этиляпти?

Ушбу лойиҳада биноларни тураржой сифатида таснифлаш, тураржойлар ва нотураржойлар

тоифасига ўтказиш, уй-жой фондини ҳисобга олиш ва тураржойларни фондан чиқариш, давлат уй-жой назорати, хусусий уй-жой фондининг тураржойлардан фойдаланиши ҳамда мулкдорлар ҳуқуқларини ҳимоя қилиш нормалари ўз аксини топмоқда.

Кодекс лойиҳасига уй-жой қуриш, кўп хонадонли уйлари қайта қуриш ва қайта режалаштириш, фуқароларни тураржой билан таъминлаш, уй-жой кооперативларини ташкил этиш ва кооператив уйлардан тураржой олиш ва улардан фойдаланиш бўйича аниқ нормалар киритилмоқда.

Лойиҳани ишлаб чиқишда МДҲ мамлакатлари, жумладан, Россия Федерацияси, Беларусь, Қозғоғистон ва Озарбайжоннинг соҳадаги қонунчилик ҳужжатлари атрофича ўрганилди.

